

System Adrodd Genedlaethol y Gweithlu Cymru (WNWRS)

Lawrlwytho Data 31/03/2022

Diolch i'r **76%** o Bractisiau ledled Cymru sydd eisoes wedi mewngofnodi i WNWRS y chwarter hwn ac wedi dilysu eu data. Os nad ydych wedi gwneud hynny eisoes, mewngofnodwch i WNWRS cyn gynted â phosibl a gwiriwch fod yr holl gofnodion staff ar gyfer eich Practis yn gywir.

Os cewch unrhyw broblemau mewngofnodi neu os oes gennych unrhyw adborth ar WNWRS, mae croeso i chi gysylltu â ni drwy'r cyfeiriad e-bost isod.



Ffocws ar: Swyddi Gwag

Bydd NHS Jobs yn cael ei ddiweddarau ar gyfer Hysbysebion Gofal Sylfaenol o 7 Mawrth 2022. Mae GPWales a Gwasanaethau Recriwtio PCGC yma i'ch cefnogi drwy'r swyddogaeth well a symlach er mwyn sicrhau cyn lleied â phosibl o darfu arnoch wrth greu swydd wag newydd.

Bydd Practisau Meddygon Teulu yn dal i allu creu eu Hysbysebion Swyddi ar GPWales yn yr un modd ag y maent yn gwneud ar hyn o bryd. Yn ogystal, bydd Rheolwyr Practisau yn dal i allu cael mynediad i NHS Jobs i lawrlwytho ceisiadau ymgeiswyr a llunio rhestr fer all-lein. Bu rhai diweddariadau i'r broses o lunio rhestr fer, ac mae'n bwysig eich bod yn cyrchu'r canllawiau a ddarperir gan Wasanaethau Recriwtio PCGC i ddeall y newidiadau hynny. Anfonwyd y rhain mewn e-bost gan PCGC ar 1/3/22 i bob Rheolwr Practis.

Bydd cyfrifon Rheolwyr Practis newydd yn cael eu creu. Byddwch yn cael hysbysiad o hyn a bydd gofyn i chi sefydlu cyfrinair i gael mynediad iddynt. Bydd y rhain yn disodli unrhyw gyfrifon a gedwir ar wefan swyddi presennol y GIG.

Mae tudalennau gwe [Hysbysebion Gofal Sylfaenol](#) yn cynnwys llawer o ddogfennau defnyddiol, canllawiau ac adran Cwestiynau Cyffredin a fydd yn eich cefnogi drwy'r broses recriwtio.

Digwyddiad Cyfnewid Gwybodaeth

Mae Prifysgol Caerdydd ac AaGIC yn bwriadu gwahodd y rhai sy'n gweithio mewn Practis Cyffredinol i gymryd rhan mewn digwyddiad cyfnewid gwybodaeth a fydd yn archwilio'r cymysgedd sgiliau Gofal Sylfaenol yng Nghymru a rôl Fferyllwyr mewn Practisau Cyffredinol. Rydym yn awyddus i glywed barn amrywiaeth o staff Practisau Cyffredinol, gan gynnwys staff clinigol a gweinyddol, y rhai sydd eisoes yn gweithio gyda Fferyllwyr Practis Cyffredinol, yn ogystal â'r rhai nad ydynt. Bydd y digwyddiad yn cynnwys cyfnewid dwy ffordd o wybodaeth a safbwyntiau ar le Fferyllwyr mewn Practisau Cyffredinol, eu potensial ar gyfer ychwanegu gwerth, yn ogystal â'r heriau i'w hintegreiddio'n effeithiol i gymysgedd sgiliau Practis Cyffredinol. Bydd trafodaethau o'r fath yn llywio'r gwaith o ddatblygu deunyddiau a fydd ar gael yn eang i dimau Practisau Cyffredinol a Fferyllwyr ledled Cymru. Os hoffech chi neu unrhyw aelod o'ch tîm fynychu un o'r digwyddiadau cyfnewid gwybodaeth gweler yr e-bost a anfonwyd at bob Rheolwr Practis ar 3.3.22 am ragor o wybodaeth.

Os bydd gennych unrhyw gwestiynau neu ymholiadau yn ymwneud â'r prosiect hwn, cysylltwch ag Alison Bullock ar bullockad@caerdydd.ac.uk

Diweddariadau'r Gymraeg

Dydd Gŵyl Dewi Hapus iawn i chi i gyd! Rhwch fanylion sgiliau Cymraeg tîm eich Practis yn WNWRS gan ddefnyddio'r botwm laith Gymraeg yn yr adran Demograffeg ac Addysg yng Nghofnod Staff yr unigolyn.

Welsh Language

Mae hyn yn ein helpu i ddeall hyfedredd ac argaeledd y rhai sy'n gallu siarad Cymraeg ac fe'i defnyddir gan ein Rhanddeiliaid i gynllunio hyfforddiant a darpariaeth gwasanaeth effeithiol ledled Cymru.

